

PAPAKILO [Hawaiian Newspapers Collection](#) Menu ▾Translate  
www.weblio.org

Ka Nupepa Kuokoa / 4 February 1888

/ KA PANE A ILA AHA KUHINA I KE KOMITE O KELA HALAWAI MAKAAINANA.

Ka Nupepa Kuokoa, Volume XXVII, Number 5, 4 February 1888  
— KA PANE A ILA AHA KUHINA I KE KOMITE O KELA HALAWAI  
MAKAAINANA. [ARTICLE]

[Back](#)

**KA PANE A KA AHA KUHINA I  
KE KOMITE O KELA HALA-  
WAI MAKAAINANA.**

*(Mai ka Pae Aina Puka La.)*

O keia malalo iho ka olelo hooholo a kela halawai makaainana i malama ia a ma ke alo iho o ka Hale Paikau, ma Alanui Moiwahine, i ke ahiahi Poaono, Ianuari 21. Ua koho ia na Komite o Ekolu Lala, ua lawe ia aku ka olelo hooholo e ke Komite, a ua waiho ia mai ka pane ma o ka Aha Kuhina la.

I ke Alii ka Moi i

**KATAKAU I**

O makou o na Ko-  
mite i kohoia e na makaainana o ka  
Apana o Honolulu, mokupuni o Oahu,  
ma kekahi halawai makaainana i wehe  
ia ma ka hora 3 auwina la o ka Po-  
aono, Ianuari 21, M. H. 1888, maloko  
o ke kulanakauhale o Honolulu nei,  
ma ka Hale Paikau, ua hoomanaia  
mai makou e nonoi aku ia oe e ke Alii  
ka Moi no Kou ae ana mai e hui he  
waha a he waha, he alo a he alo me Oe  
e ke Alii ka Moi na makaainana no ke  
kuka pu ana me Oe e ke Alii ka Moi  
no ke kulana o ke Aupuni e ku nei i keia  
wa, a e oluolu mai oe e ke Alii, e hoike  
mai i ka la a na makaainana e ike mai  
ai i ka Moi, a e kuka pu hoi me lakou  
no na kumu penet:

1—Aole he hilinei o na makaainana  
i na Kuhina o ka Moi.

2—Aole he hilinei i na hana a ka

Ahaolelo Kuikawa.

O makou iho no o Kau mau  
kauwa haahaa a hoolohe.

[Signed] ROBERT W. WILCOX,  
JOSEPH M. POEPOE,  
EDWARD KEKOA.

Aliiolani Hale,

Honolulu, Ianuari 28, 1888.

{a Robert W. Wilcox,  
Joseph M. Poepoe,  
Edward Kekoa }

E na Keonimana:

Ua loa ia'u ka hanohano o ka hoike  
ana aku ua loa mai ka oukou palapala  
i kau ole ia, ka la o ke kakauia ana, i  
kakauia mai i ke Alii ka Moi, a ma ia  
palapala ua hoakaka mai oukou he Ko-  
mite oukou i kohoia e kekahi halawai  
makaainana i malamala ma ka la 21 o  
Ianuari 1888, a maloko oia palapala ua  
noi mai oukou e hoike aku ka Moi i ka

ia e huihainaia ai ne naniwai a e kuka  
pu ai hoi Oia me na makaainana, he  
waha a he waha, a he alo a he alo no  
ka noonoo ana i na kumu penei.

1—Aole he hilinei o na makaainana  
i na Kuhina o ka Moi.

2—Aole he hilinei i na hana a ka  
Ahaolelo Kuikawa.

Ma ka pane ana ke noi nei au e hai  
aku ua haawi ke Kumukanawai no na  
kanaka a pau ka pono o ka akoakoa  
malie, me ka hoolako ole i na mea ka-  
ua, e kukakuka pu no ko lakou mau  
pono, a nonoi aku i ke Alii a i ka Aha-  
olelo e wehe i ko lakou mau pilikia.

Aka, aole i hoakaka ke Kumukana-  
wai he hiki ke kauohala ka Moi e hele  
aku imua o kekahi pre makaainana a e  
hui pu me lakou ma ke kuka ana no  
na mea pili hooponopono Aipuni. Aka,  
ua ae ia mai au e hoike aku ua manao  
ke Alii ka Moi o ka hana ana pela he

mea ia e hoohaahaa ia ai ka hanohano  
o ka Moi a me ko ka Moi Oihana Kie-  
kie.

Ke hoike hou aku nei au, o ka ni-  
nau e pili ana i ka hihinai ole ia o ka  
Aha Kuhina. he hana ia i hiki ke hana  
ia ma o ka Ahaolelo wale no, a aia ka  
Ahaolelo malalo o ka mana o na maka-  
ainana, no ka mea, he Aha kohoia ka  
Ahaolelo. Nolaila aole e hiki ke hoo-  
ili ia ka hewa o na hana a ka Ahaolelo  
maluna o ka Moi, a ina e hoao ia ana  
e hooili ia ke kaumaha oia ano maluna  
o ka Moi a i ole e hooi i ka Moi ilo-  
ko o na kuka hooponopono pili aupuni  
ana. he mea hiki ole ia ke ae ia.

A oia i o ka oukou noi he kupono  
ole ma na ano a pau, nolaila ua loa-  
a ia'u ka hanohano o ka hoike ana aku,  
ua hoole ia.

Ua loa a ia'u ka hanohano  
o ka oukou kauwa hooiohe.

[Kakauinomia]

W. L. GREEN.  
Kuhina Nui.

This article has been automatically clipped from the Ka Nupepa Kuokoa 4 February 1888, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).